

DECLARATION

D V R O Y,

portant que toutes les Espèces d'or & d'argent de poids qui ont à present cours, seront exposées en la maniere accoustumée; comme aussi l'or & l'argent au marc: le tout suiuant le dernier Reglement du mois de Septembre 1641. avec defenses d'y apporter aucune difficulté, sur les peines y mentionnées.

Leuë, publiée, & registrée en la Cour des Monnoyes le 3. Septembre 1643.



A P A R I S,

Chez SEBASTIEN CRAMOISY, Imprimeur
ordinaire du Roy, & de la Cour
des Monnoyes.

M. DC. XLIII.

Avec Priuilege de sa Maie^{sté}.

NOTES
JAN 1900

THE NEWBERRY
LIBRARY
CHICAGO, ILL.
JAN 1900

Case
F
39
.326

1643 f3d



CHICAGO, ILL.
JAN 1900



LOVIS par la grace de
Dieu Roy de France
& de Nauarre, A tous
ceux qui ces presentes ver-
ront , Salut. Le desordre qui
s'est glissé en nostre Royaume
depuis quelques années par l'a-
uarice & interest particulier
d'aucuns Marchands negocians
avec les Estrangers & Habi-
tans des villes de Sedan, Char-
leuille, & autres lieux, lesquels
auroient fait entrer vne si ex-
cessiue quantité de Doubles

A ij

foibles & defectueux en nostredit Royaume, sous pretexte de quelques Presses que nous y aurions fait establir, que nous aurions esté contraints faire defenses par Arrest de nostre Conseil du cinquième iour de ce mois, d'exposer dorelnauant lesdits Doubles que pour vn denier seulement, avec expresse inhibitions d'en faire entrer à l'aduenir en nostredit Royaume, sous les peines portées par nostredit Arrest. Mais comme par cette resolution, ceux qui auoient creu faire de grands profits par le debit desdits Doubles, s'en trouuans maintenant frustrez, ils se sont resolus par

vn dessein premedité de nuire
à nos affaires , & de troubler
celles de nos Suiets , en empê-
chant le negoce entre eux , de
semer parmy nosdits Suiets le
bruit d'un décry general de tou-
tes les Especies ayans à present
cours en nostredit Royaume,
pour estre reduites comme elles
estoyent auparauant le rehausse-
ment d'icelles : Ce qui fait que
plusieurs personnes font diffi-
culté de receuoir ce qui leur est
deu , & les Marchands de ven-
dre leurs marchandises dans la
crainte de perdre sur lesdites
Especies , si ledit décry auoit
lieu. Et estant besoin d'empê-
cher vn tel abus en declarant

au public ce qui est en cela de
nostre volonté. A CES CAV-
SES, de l'aduis de la Reyne Re-
gente nostre tres-honorée Da-
me & mere, Nous auons dit &
déclaré, & par ces presentes si-
gnées de nostre main, disons &
déclarons, que nos vouloir &
intention est, que toutes &
chacunes les Espèces d'or &
d'argent de poids qui ont à pre-
sent cours en nostre Royau-
me, tant anciennes que nou-
uelles, soient exposées en la ma-
niere accoustumée, ainsi qu'il
s'est pratiqué iusques à present,
& comme il est porté par no-
stre dernier Reglement du mois
de Septembre mil six cens

quarante-vn, registré en nostre Cour des Monnoyes : ensemble l'or & l'argent au marc sur le pied y spécifié. Defendons à tous nos Suiets de quelque qualité qu'ils soient, d'y apporter aucune difficulté, à peine de mil liures d'amende, fors & excepté pour les Doubles estans en nostredit Royaume, que nous voulons n'auoir plus dorresnauant cours que pour vn denier, conformément audit Arrest de nostredit Conseil cy-dessus mentionné. SI DONNONS EN MANDEMENT à nos amez & feaux les Genste-nans nostre Cour des Monnoyes, que ces presentes ils fas-

sent registrer, & le contenu en icelles garder & observer inuio-
lablement, sans souffrir qu'il y
soit contreuenue en aucune ma-
niere que ce soit: CAR tel est no-
stre plaisir. En témoin dequoy
nous auons fait mettre nostre
seel à cesdites presentes. DON-
NE' à Paris le vingt-quatrième
iour d'Aoust l'an de grace 1643.
& de nostre Regne le premier.
Signé, L O V I S. Et sur le
reply, Par le Roy, la Reyne
Regente sa mere presente, DE-
GVENEGA VD, & seellées de
cire iaune du grand seel sur
double queuë.

Et encore est escrit sur ledit reply:

Leuës, publiées, & registrées és
Re-

Registres de ladite Cour, ce requerant
 & consentant le Procureur general ;
 pour estre executées, gardées & obser-
 uées selon leur forme & teneur, &
 qu'elles seront publiées par tous les lieux
 accoustumez de cette Ville ; & ailleurs
 si besoin est. A Paris en la Cour des
 Monnoyes le troisiéme Septembre mil
 six cens quarante-trois.

Signé, DELAISTRE.

EXTRAICT DES
Registres de la Cour des
Monnoyes.



En par la Cour les Lettres
 Patentes du Roy en forme
 de Declaration, données à
 Paris le vingt-quatrième
 Aoust dernier, signées,
LOVIS, & sur le reply, Par le Roy,

la Reyne Regente sa Mere presenté,
 DE C V E N E G A Y D, & seellées de cire
 iaune du grand seel sur double queuë:
 par lesquelles sa Maieité pour reme-
 dier au desordre qui s'est glissé en ce
 Royaume depuis quelques années, à
 cause de l'excessiue quantité de Dou-
 bles foibles & defectueux, fabriquez és
 villes de Sedan, Charleuille, & autres
 lieux, qui y ont esté apportez sous pre-
 texte de quelques Presses que sadite Ma-
 iesté auoit fait establir en cedit Royau-
 me pour la fabrication de Doubles aux
 Coins & Armes de sa Maieité, lesquels
 par Arrest de son Conseil, du cinquie-
 me dudit mois d'Aoust, elle auoit fait
 defenses d'exposer que pour vn denier
 seulemēt, avec expresse inhibitiōs d'en
 faire entrer à l'auenir en cedit Royau-
 me, sous les peines portées par ledit Ar-
 rest. Ce qui auoit donné suiet de faire se-
 mer parmy le peuple le bruit d'vn decry
 general de toutes les Especies, ayans de
 present cours en cedit Royaume pour e-
 stre reduites comme elles estoient aupara-
 uant le rehaussement d'icelles: ce qui

fait que plusieurs personnes font difficulté de receuoir ce qui leur est deu, & les Marchands de vendre leurs marchandises, dans la crainte de perdre sur lesdites Espèces, si ledit decry auoit lieu : Et estant besoin d'empescher vn tel abus, sadite Maiesté auroit déclaré que son vouloir & intention estoit, que toutes & chacunes les Espèces d'or & d'argent de poids, qui ont à present cours en cedit Royaume, tant anciennes que nouuelles, fussent exposées en la maniere accoustumée, ainsi qu'il s'est pratiqué iusques à present, & comme il est porté par le dernier Reglement du mois de Septembre mil six cens quarante-vn; ensemble l'or & l'argent au marc sur le pied y spécifié : defendant à tous ses Suiers, de quelque qualité qu'ils soient, d'y apporter aucune difficulté, à peine de mil liures d'amende, fors & excepté pour les Doubles estans en cedit Royaume, lesquels sa Maiesté veut n'auoir dorefnauant plus cours que pour vn denier, conformément audit Arrest dudit iour 5. Aoust. Mandant

à ladite Cour faire registrer lescdites Lettres, & le contenu en icelles garder & observer inuiolablement, sans souffrir qu'il y soit contrevenu en aucune façon. Oüy sur ce le Procureur general du Roy, & le rapport du Conseiller à ce commis : la matiere mise en deliberation. Tout considéré : LA COUR a ordonné & ordonne, que sur le reply desdites Lettres sera mis qu'elles ont esté leuës, publiées, & registrées au Greffe d'icelle, oüy sur ce ledit Procureur General, & ordonne qu'elles seront publiées par tous les lieux publics & accoustumez de cette ville de Paris, pour estre executées de point en point selon leur forme & teneur. Fait en la Cour des Monnoyes le troisieme Septembre mil six cens quarantetrois. Signé, DELAISTRE.

Collationné aux Originaux par moy Conseiller Secretaire du Roy, & de ses Finances, & Greffier en chef de la Cour des Monnoyes.







